

Z-èsse Maman !

Si z' oyèz dire in djoû , d'ène djin ki dmère à sa mājon :

Ille est sins profèssion », nu vz' î fièz nin , da !

Ça n'est nin vrê ! C'est putot 100 mètis ki î fârè couniche !

Ile duvrè tout sawè, tout fwêre, z-èsse à courant du t'tout.

Ca ou dzeu du s' mètî et ou dzeu du s' mènadje,

Il î fât tout aprinde, coume rakeude in bouton, rapîter des tchâsses, û rfwêre lu cink al culote, ki vint d' passer les fils !

Ile srè in pô mèdcin, ossi bin k' infirmière

Pou sougnî in bobo û bin l' prèmî mâ d' dints.

I î fârè ossi coridjî les dvwârs et pîs la rédaccion

Û bin tûzer cwè dire dudins l' élocucion.

I î fârè sawè, poucwè k' la balin.ne n' è pont d' pates,

Poucwè k' la mér est salée et nin l'Oûrte ni la Smwas.

C'est à îe an prèmî, ku ruvanrè l' bouneur

Du tout fwêre duscovru des bês cayèts dul vie :

Lu froût ki vint dul fleûr, lu pouyon ki dusclôt

La rondeûr des mamans à ratindant l' afant.

Pal putite crwâ sul front û bin l' prêmî Ave
Ile mousturrè lu tchmin pou cand l'afant srè grand.
Et cand il ârè mâ, deus côps k' ile va soufriu.

Lu djoû k'i srè pèté, mâgré z'awè bloké,
A costé du tricheû ki passrè yôt la mwin,
Fâre i lî fwêre comprinde ku ça ossi, c'est viker,
K' i n' fât jamwês s'abate, mês toudi su rluver.

Cand on lî è mètu l' prêmî côp dins les brès
Lu ptit pâpâ tout tchôd, pèstulant et brayant,

Cand ène prêmîre rizète û in prêmî « èreu »
Ruspondront âs pus douces des carèsses,

Cand, du fond du courti, i rvanrè à courant
Tout croté et tout niche
Lî offrû du muguet bin frouchî dins ses mwins,

Cand i lî rëcitrè, sins bin chûr lu comprinde,
Lu bê ptit complimentant k' il avot si bin scrît,

Cand, grand gamin, i vanrèt co su s' chourd,
Pou s' î fwêre cadjoler,

Cand, a rêvant, il acourrè lî dire
K' il è trouvé sa fleur et k' i vut la marier,

Cand ill' îrè in djoû, l' mon.ner pou brès duvant l' âté
Èyu k'i vont dustchandjî leus anês,

Cand, les ouys plins du stwayes, i vanrè à grands pas
Lî dîre k' i srè Papa et k'ile va z-èsse grand-mére,

A tchèke côp, su keur débordrè du tandresse et d'amour !

Bin des années pus târd, cand ses tchfès blantchiront,
Tout à rsondjant âs bons moumints d' sa vie,
Adon, ile compranrè ku ç'astot tout boun'mint
La pus grande des mèrvèyes, ku d'awè sté MAMAN.

Texte anonyme écrit en français.

Remis en wallon par Louis BAIJOT, le 2 septembre 1999 et repris le 26 avril 2011